

Նջեացեն անողորմ: Եւ զամենայն Գաղբի խանն իւր գլխով և եօթն որդովն և շատ հեծելովն և թուրքի սանճախներն ի մի վայր ժողովելով, մտին յերկիրն, և զամենայն երկիրն հրձիգ արարին, և ի սուր մաշեցան, և զերի տարան, և աւար առին զամենայն մարդիք և զանասուն. և ոչ թողին բնաւ ինչ. բայց միայն Սեչովն ազատեցաւ և Սերաթն. այլ ամենայն ինչ մատնեցաւ ի ձեռս անօրինաց, վասն ծովացեալ մեղաց մերոց: Եւ զինքն զիւրոն պարոնն կենդանի կալան և սպանին շարաշար: Յետոյ դարձեալ զնոյն պարոն բերեալ նստուցին ի երկիրն, զոր յառաջագոյն էին բերեալ ի վերայ այս Իւրոնին: Այսքան է առ այս:

1574. ԹՎ. ՌԻԳ. Յունիս ամսոյ ԺԸ, օրն վեցշարթի (ուրբաթ): Թագաւորն Ենրիքուս ելաւ զիշերով ի Քրաքովին բերդէն, որ է թախթն իւր, և փախաւ յերկիրն իւր ի Ֆրանցիա, ուր թագաւորութիւն էր իւր. և զայս ոչ ռք չգիտաց իւր բոլոր իշխանաց. միայն երեք արամբ ելաւ ի բերդէն, յետոյ զիտացին թէ թագաւորն զնաց ի բերդէն, և իսկոյն ընթացեալ այսր և անդր՝ ոչ ուրեք գտան: Եւ ոմն իշխան Վոյնիցքի ընթացաւ յետ նորա և եհաս նմա ի Հրանիցան, երկու միլ, և եկն անկաւ առաջի թագաւորին ի վերայ ճանապարհի, և թագաւորն զտեղի էառ և եկաց. և այս իշխանին ասաց՝ զի կացցէ ի վերայ ոտից իւրոց. և ասաց նմա, Չի՞ ես եկեալ. զի՞նչ կամիս: Եւ այս իշխանն ասաց, եթէ, թագաւոր, ողջ լեր. դարձիր վասն Աստուծոյ, քանզի թէ չդառնաս՝ իմ գլխոյ կորուստ առնես: Եւ թագաւորն պատասխանի տուեալ նմա, եթէ, Դարձիր գնա ի բանդ. ոչ թէ դու միայն եկեալ ես, թէպէտ ամենայն Բուլցքայ և ամենայն իշխանք գային և զիս կտրատէին յօդ յօդ՝ չիկայ հնար ինձ դառնալոյ. վասն զի պարտ է ինձ գնալ և տեսանել զմայրն իմ և զհայրենի ժառանգութեան աթոռն իմ. զի ահա զեղբայրն իմ մեռուցին մահաղեղ արբուցանելով. և մայր իմ միայն գլխով է, և ոչ ռք չունի իւր ձեռնտու կամ օգնական. և միւս կրտսեր եղբայրս կատարելութիւն ոչ ունի, և իշխանք և մեծամեծք ընդդիմակցութեամբ հակառակին նմա, և ոչ կամին հնազանդել. երկնչիմ, գուցէ զերկիրս չիտան տուր թշնամեացն. վասն որոյ անպատճառ պիտի երթամ. և մինչեւ չորս ամիս այլուի կու գամ առձեզ. ոչ թողից զձեզ ի մէջ տարակուսութեան և անիշխանութեան: Բայց զամենայն ինչ գրով թողել եմ ի սենեակս իմ՝ խաղոս (կապերտ ?) յետեւ. ի անդ կու գանուք և կու իմանայք զամենայն որպիսութիւն և զպատճառն գնալոյ իմոյ ի ձէնջ: Չայս ասելով ուղի անկեալ զնաց ի ճանապարհն իւր: Եւ զամենայն ինչ զոր բերել էր ի հետ իւր ի Ֆրանցիայէն, զայդ ամենայն յառաջագոյն հանել էր ի բերդէն և ուղարկել էր, անտես ի մարդկանէ՝ յաշխարհն իւր. և հրք եկել են ի սրահն իւր՝ ոչ ինչ գտել են, բայց միայն երկու բարձ գլխոյն: Եւ այս եղեւ վասն անհնազանդութեան իշխանացն և մեծամեծացն, զոր այսպիսի բան բնաւ ոչ էր եղել այս աշխարհս: Աստուած զաւարտն ի բարին առնէ. ամէն: